


清會典 八十九

禮部三十三





漢書  
九〇八號

漢書門	九〇八	函號	二〇八	架冊	一六〇
-----	-----	----	-----	----	-----

內閣文庫	漢書	九〇八	函號	二〇八	架冊	一六〇
------	----	-----	----	-----	----	-----

內閣文庫		
番號	漢	908
冊數	160	(55)
函號	295	10





大清會典卷之八十九

禮部祠祭司

祭告儀

國家有大典禮。必先期祭告於

天。

地。

太廟。

社。

稷。

奉先殿及

陵寢。或

親詣行禮。或遣官行禮。備列於後。其  
嶽鎮海瀆。

歷代帝王陵寢。

先師闕里。告祭典禮。詳具本卷。不復載。

順治元年。以定鼎燕京。祭告

園丘。

太廟。遣官供獻行禮。於是日祭告

福陵。遣官供獻行禮。○又上

大清門牌額。遣工部堂官祭告。○是年。恭上

太宗文皇帝尊諡。祭告

天。

地。

太廟。

社。

稷。遣官供獻行禮。○十一月冬至。大祀

天於

園丘。

世祖章皇帝親詣

太廟行告辭禮。○二年。以江南平定。告祭

天。

地。

太廟。

社。

稷。遣官行禮。

後凡遇地方奏捷俱行祭告禮。

○五年以

太廟工竣奉安

神位。前期一日祭告

太廟。遣官行禮。○十一月冬至奉

太祖高皇帝配享

園丘。又恭上

肇祖原皇帝

興祖直皇帝

景祖翼皇帝

顯祖宣皇帝尊號。前期三日祭告

天。

地。

太廟。

社。

稷。分遣大臣四員行禮。○六年正月。

世祖章皇帝萬壽聖節祭告

太廟。遣官行禮。

是後歲以為常。

○八年正月。恭上

孝端文皇后尊諡禮成。前期一日。祭告。

天。

地。

太廟。

社。

稷。遣官行禮。○是年。恭上。

昭聖慈壽皇太后尊號。前期一日。祭告。

天。

地。

太廟。

社。

稷。分遣大臣四員行禮。○是年。行大婚禮。前期一日。

祭告。

天。

地。

太廟。分遣大臣三員行禮。○又恭上。

昭聖慈壽恭簡皇太后徽號。前期一日。祭告。

天。

地。

太廟。

社。

稷。分遣大臣四員行禮。○九年。以忠義公圖爾格。昭

勲公圖賴。入

廟配享。前期一日。祭告

太廟。遣大臣一員行禮。○是年。尊封

麟趾宮大貴妃為

皇考懿靖大貴妃。

衍慶宮淑妃為

皇考康惠淑妃。前期一日。祭告

太廟。遣大臣一員行禮。○十二年。建造

乾清宮。

景仁宮。

承乾宮。

永壽宮。前期一日。祭告

天。

地。

太廟。

社。

稷。及

后土。

大清會典 卷八十九 五  
司工之神。遣官行禮。○又

諭。改禁城後山為景山。西苑為瀛臺。懸掛牌額。遣官行祭告禮。○十三年七月。移

宮。前期一日。行祭告禮。遣官恭代。○十二月。封皇貴妃。前期一日。祭告

太廟。遣官行禮。○又加上

昭聖慈壽恭簡安懿皇太后徽號。前期一日。祭告

天。

地。

太廟。

社。

稷。遣官四員行禮。○十四年三月。恭奉

太宗文皇帝配享

園丘。

祈穀壇。行奉安

神位禮。前期一日。祭告

天。

地。

太廟。

社。

稷。遣官行禮。○是月。恭奉

太祖高皇帝

太宗文皇帝配享

方澤壇。行奉安

神位禮。前期一日。祭告

天。

地。

大廟。

社。

稷。遣官行禮。○十六年。織造局設機。祭告

司機之神。遣禮部堂官行禮。一應禮儀。與祭

司工之神同。○五月。祈晴。祭告

天。

地。

社。

稷。

神祇。各遣官一員行禮。○十二月。歲暮。舉行

太廟祫祭禮。前期一日。遣官一員。祭告

太廟後殿

肇祖原皇帝



興祖直皇帝

景祖翼皇帝

顯祖宣皇帝。又遣官一員祭告

太祖高皇帝

太宗文皇帝。行禮。如常儀。○十七年三月。舉行

奉先殿祫祭禮。嗣後凡遇元旦。

萬壽節。

皇太后聖誕。俱奉

太廟後殿

肇祖原皇帝

興祖直皇帝

景祖翼皇帝

顯祖宣皇帝神位。與

太祖高皇帝

太宗文皇帝

合享於

奉先殿。前期一日。太常寺題請遣官一員祭告

太廟後殿。禮儀院題請遣官一員祭告

奉先殿。○四月。

大享殿合祀。前期一日。祭告

天

地

太廟

朝日壇

夕月壇

歷代帝王廟

太歲壇。各遣官一員行禮。○五月。祈雨。各遣官一員。祭告

天

地

社

稷

神祇。供獻行禮。○十八年正月。

聖祖仁皇帝登極。各遣官一員。祭告

天

地

太廟

社

稷。供獻行禮。如常儀。○三月。恭上

世祖章皇帝尊諡。恭進冊寶。禮成。前期一日。祭告

天。

地。

太廟。

社。

稷。各遣官一員行禮。○十月。恭上

皇祖母壽康太妃尊號。前期一日。祭告

太廟。遣官行禮。○十一月。恭奉

世祖章皇帝神位升祔

太廟。前期一日。祭告

太廟。遣官行禮。○康熙元年。恭上

太皇太后

皇太后尊號。前期一日。祭告

天。

地。

太廟。

社。

稷。各遣官行禮。○六年。恭奉

世祖章皇帝配享

園丘。

祈穀壇。前期一日。祭告

天

地

太廟

社

稷。遣大臣四員行禮。○又恭奉

世祖章皇帝配享

方澤。前期一日。遣官祭告。與

園丘禮同。○八年。迎安

太和殿

乾清宮吻。祭告琉璃窰。

正陽門。

大清門。

午門。

太和門。是日。滿洲蒙古漢軍叅領郎中阿達哈哈

番等官以上。漢文官四品以上。及掌印科道。武

官三品以上。俱朝服齊集

正陽門外行禮。祭畢。隨吻入至安吻處。候安畢。方

散。另遣大臣祭告

乾清門。○是年。

坤寧宮安吻。

交泰殿寶頂成。遣官祭告。如前儀。○十一月。移宮。前期一日。遣官祭告。如常儀。○九年。上辛。祭祈穀壇。

聖祖仁皇帝躬詣行禮。前期三日。遣大臣一員。祭告太廟。○五月。

孝康章皇后神位升祔

太廟。前期三日。遣大臣各一員。祭告

天。

地。

太廟。

社。

稷。前期一日。遣官一員。祭告

奉先殿。○八月。恭謁

孝陵。前期一日。

聖祖仁皇帝躬詣

太廟。行祭告禮。○十年二月。

經筵開講。前期一日。遣官一員。祭告

先師廟。是日。祭告

奉先殿。

嗣後歲以為常。

○四月。始行

日講。遣官一員。祭告

大清會典 卷八十九  
先師廟。○九月。恭謁

福陵。

昭陵。前期一日。

聖祖仁皇帝躬詣

太廟行祭告禮。○十一月。自

福陵

昭陵回京。

躬詣

太廟行祭告禮。○十一年。

聖祖仁皇帝行耕藉禮。前期一日。遣官祭告

奉先殿。○十三年。

孝誠仁皇后初諡仁孝皇后。前期一日。遣官祭告

太廟。○十四年。

孝誠仁皇后升祔

奉先殿。前期一日。祭告

奉先殿。至升祔日。遣官行禮。○十五年。恭上

太皇太后

皇太后徽號。前期一日。遣大臣一員。祭告

太廟。又以尊封

四妃。祭告

太廟。後爲定例。○二月。建造

陵寢。前期三日。遣官一員。祭告

后土。

司工之神。○十六年。

孝昭仁皇后正位中宮。遣官各一員。祭告

天。

地。

太廟。

奉先殿。同日。

孝懿仁皇后肇封貴妃。遣官祭告

太廟。○十七年閏三月。

孝昭仁皇后初諡孝昭皇后。前期一日。遣官一員。祭告

太廟。○十八年。

孝昭仁皇后祔饗

奉先殿。前期一日。祭告

奉先殿。至日。遣官行禮。○是年。改建

奉先殿。遣官祭告

天。

地。

太廟。

社。

稷。又遣工部堂官祭告

后土。

司工之神。○是年安

奉先殿柱頂石。豎柱。上梁。並遣工部堂官祭告

司工之神。○十九年迎

奉先殿宮吻。遣禮部工部堂官各一員。祭琉璃窰

正陽門。

大清門。

午門之神。

奉先殿安吻。遣工部堂官致祭

司工之神。○六月。祈雨。遣官各一員祭告

神祇壇。

太歲壇。○十二月。

奉先殿工竣。遣工部堂官一員祭

司工之神。○二十年三月。

孝誠仁皇后

孝昭仁皇后梓宮至

陵寢。前期三日。遣官各一員祭告

天



地

太廟

社

稷。○是年。以滇南蕩平。遣官各一員祭告。

天

地

太廟

社

稷。○是年。

孝懿仁皇后以貴妃晉封皇貴妃。

孝恭仁皇后以德嬪晉封德妃。同日。

冊封

貴妃。

惠妃。

宜妃。

榮妃。遣官一員祭告。

太廟。○是年。加上

太皇太后

皇太后徽號。遣官各一員祭告。

天。

地。

太廟。

社。

稷。○二十一年。恭謁。

永陵。

福陵。

昭陵。前期一日。祭告。

奉先殿。○又。

太和門安吻。合龍門。遣工部堂官祭司工之神。

啟祥宮。

長春宮。

咸福宮。安吻。合龍門。遣禮部工部堂官各一員。祭

司工之神。○二十二年。

文華殿興工。遣工部堂官一員。祭告

后土。

司工之神。安柱頂石。豎柱。上梁。俱遣工部堂官一

員祭

司工之神。供獻行禮。○是年。以平定臺灣。遣官各

一員祭告

大

地

太廟

社

稷。又遣官各一員祭告

福陵

昭陵

孝陵。供獻行禮。俱與

陵上大祭同。○二十五年。

文華殿告成。設

孔子神位於

傳心殿。祭告

皇師三皇。

帝師五帝。

王師三王。

先聖周公。○二十七年四月。

孝莊文皇后梓宮至

陵寢。奉安於

享殿。遣大臣祭告

孝陵。暨

孝誠仁皇后

孝昭仁皇后几筵。○又奉安

孝莊文皇后梓宮於

暫安奉殿。遣大臣祭告

孝陵暨

孝誠仁皇后

孝昭仁皇后几筵。○十月。恭上

孝莊文皇后尊諡禮成。前期一日。遣大臣各一員祭告

天。

地。

太廟。

社。

稷。

奉先殿。○又恭奉

孝莊文皇后神位升祔

太廟。

奉先殿。前期一日。遣大臣各一員祭告

太廟。

奉先殿。○是年。

仁壽殿。監柱上梁。遣官祭告

司工之神。○二十八年閏三月。迎

仁壽殿吻。遣大臣祭告琉璃窑。

正陽門。

大清門。

午門之神。○四月。祈雨。遣官各一員祭告。

天。

地。

社。

稷。○九月。

孝懿仁皇后初諡孝懿皇后。前期一日。遣官祭告。

太廟。○是月。

孝懿仁皇后升祔。

奉先殿。前期一日。遣官祭告。

奉先殿。○三十四年二月。建造

太和殿興工。前期一日。遣大臣各一員祭告。

天。

地。

太廟。

社。

稷。其動土。安礫。豎柱。上梁。安吻。插劍。懸牌匾。合龍門。

大清會典 卷八十九 俱致祭。○三十五年。

聖祖仁皇帝親征噶爾丹。前期遣官各一員祭告

天。

地。

太廟。

社。

稷。

太歲壇。出軍之日遣官於

天安門外祭告

路神。○三十六年。

太和殿工竣遣大臣各一員祭告

天。

地。

太廟。

社。

稷。遣工部堂官祭告

后土。

司工之神。○是年平定朔漠大功告成遣官祭告

天。

地。

社  
稷

永陵

福陵

昭陵

暫安奉殿

孝陵。○三十九年十二月。

冊封

貴妃。遣官各一員祭告

太廟

奉先殿。○五十二年。

聖祖仁皇帝六十萬壽聖節。遣大臣各一員祭告

天

地

太廟

社

稷。○五十七年三月。

孝惠章皇后梓宮至

陵。前期三日。遣大臣各一員祭告

天

地。

太廟。

社。

稷。至

陵日。遣大臣各一員祭告

暫安奉殿。

孝陵。暨

孝誠仁皇后

孝昭仁皇后

孝懿仁皇后几筵。○又遣工部堂官二員。祭告

后土。

昌瑞山之神。○又恭上

孝惠章皇后尊諡禮成。前期一日。遣大臣各一員祭告

天。

地。

太廟。

社。

稷。

奉先殿。○十二月。恭奉

孝惠章皇后神位升祔



大清會典 卷八十九  
太廟

奉先殿。前期一日。遣大臣各一員祭告。

天。

地。

太廟。

奉先殿。○又冊封

宣妃。

和妃。

成妃。遣官各一員祭告。

太廟。

奉先殿。○六十年。恭謁

孝陵。前期一日。祭告。

奉先殿。自

陵回京。次日。祭告。

奉先殿。○六十一年十一月二十日。

皇上登極。前期一日。遣大臣各一員祭告。

天。

地。

太廟。

社。

稷。○雍正元年二月。恭上

聖祖仁皇帝尊諡禮成。前期一日。遣大臣各一員祭告

天。

地。

太廟。

社。

稷。

奉先殿。○是月。

陵寢動土。遣大臣各一員祭告

孝誠仁皇后。

孝昭仁皇后。

孝懿仁皇后。遣工部堂官二員祭告

后土。

昌瑞山之神。○三月。

聖祖仁皇帝梓宮至

陵。前期三日。遣大臣各一員祭告

天。

地。

太廟。

社。

稷。

上躬送

聖祖仁皇帝梓宮至

陵。前期一日。祭告

奉先殿。

聖祖仁皇帝梓宮至

陵日。遣大臣各一員祭告

暫安奉殿。

孝陵。

孝東陵。暨

孝誠仁皇后

孝昭仁皇后

孝懿仁皇后几筵。○四月。

上自

陵回京。次日。祭告

奉先殿。○是年。追封

敬敏皇貴妃。遣大臣各一員祭告

太廟。

奉先殿。○又

敬敏皇貴妃祔葬

大清會典 卷八十九  
地宮。前期一日。遣大臣各一員祭告。

太廟。

奉先殿。又遣大臣一員詣

聖祖仁皇帝梓宮前祭告。○八月。

太廟中殿神位。恭加上

太祖高皇帝

孝慈高皇后

太宗文皇帝

孝端文皇后

孝莊文皇后

世祖章皇帝

孝惠章皇后

孝康章皇后尊諡。前期五日。遣大臣各一員祭告。

天。

地。

社。

稷。○又恭上

孝恭仁皇后尊諡禮成。前期一日。祭告。

天。

地。

大清會典 卷八十九  
太廟

社

稷

奉先殿。又前期。遣大臣一員詣

景陵祭告

聖祖仁皇帝几筵。○是月。

孝恭仁皇后梓宮至

陵。前期三日。遣大臣各一員祭告

天。

地。

太廟

社

稷

上躬送

梓宮至

陵。前期一日。祭告

奉先殿。○九月。

聖祖仁皇帝

孝恭仁皇后梓宮奉安

地宮。前期三日。遣大臣各一員祭告

天。

地。

太廟。

社。

稷。又遣大臣各一員祭告。

暫安奉殿。

孝陵。

孝東陵。遣工部堂官二員祭告。

后土。

昌瑞山之神。○

贊引官贊望燎。導承祭官詣望燎位。祝帛焚訖。

贊引官贊禮畢。各退。

告祭。

社稷壇遣官行禮儀注。

是日早。承祭官具朝服。太常寺贊引官二員導。

承祭官由。

南天門入。由西至北櫺星門。贊引官對引官導至。

行禮處立。典儀唱執事官各司其事。贊引官贊。

就位。承祭官就位立。典儀唱迎。

神。司香官恭捧香盒各詣。

壇上神位前立。贊引官贊陞。

壇導承祭官陞。

壇就。

太社神位前立。贊跪。承祭官跪。贊上香。承祭官舉炷。香上爐內。又三上瓣香。興。贊引官導承祭官至太稷神位前立。上香。如。

太社神位前儀畢。贊引官贊就位。承祭官就位立。贊引官贊跪。叩。興。承祭官行三跪九叩頭禮。興。典儀唱奠帛。行初獻禮。執事官捧帛詣各

神位前。跪獻。三叩頭。退。捧爵官立獻。畢。讀祝官詣祝

太廟。

社。

稷。○十二月。冊立。

皇后。冊封。

妃嬪。前期一日。

上親詣。

奉先殿祭告。以冊立。

皇后祭告。

天。

地。以冊立。

大清會典 卷八十九  
皇后冊封

貴妃

齊妃

熹妃祭告

太廟。遣大臣各一員行禮。○二年正月。恭奉

聖祖仁皇帝配享

祈穀壇。前期一日。遣大臣各一員祭告

天。

地。

太廟。

社。

稷。○是月。以文襄公圖海入

廟配享。前期一日。遣大臣一員祭告

太廟。○二月。恭上

景陵匾額。遣大臣一員祭告

景陵。○是月。

上行耕藉禮。前期一日。遣大臣一員祭告

奉先殿。○夏至。恭奉

聖祖仁皇帝配享

方澤。前期一日。遣大臣各一員祭告



天。

地。

太廟。

社。

稷。○六月尊封

皇考皇貴妃

皇考貴妃

皇考密妃

皇考定妃。前期遣大臣各一員祭告

太廟後殿。

奉先殿。○是年以平定青海行獻俘受俘禮。遣官二員。

祭告

太廟。

社。

稷。○三年二月二日庚午。日月合璧。五星聯珠。遣大

臣一員祭告

景陵。○是月。

昭西陵動土。前期二日。遣工部堂官二員祭告

后土。

昌瑞山之神。○奉安

孝莊文皇后梓宮於

享殿。前期三日。遣大臣一員。祭告。

太廟。○是月。

上行耕藉禮。前期一日。遣大臣一員。祭告。

奉先殿。○四月。

景陵建立

聖德神功碑。遣工部堂官一員。祭告。

后土之神。○八月。

孝恭仁皇后服闋。大祀。

奉先殿。○是月。

上御經筵。前期一日。遣大臣一員。祭告。

傳心殿。○十一月。

聖祖仁皇帝三週年。

上親詣

景陵致祭。前期一日。遣大臣一員。祭告。

奉先殿。○

上自

陵回京。次日。遣大臣一員。祭告。

奉先殿。○十二月。

孝莊文皇后梓宮奉安

大清會典 卷八十九  
地宮。前期三日。遣大臣各一員祭告。

天。

地。

太廟。

社。

稷。又遣官各一員祭告。

永陵。

福陵。

昭陵。是日。遣大臣各一員祭告。

孝陵。

考。東陵。

景陵。又遣工部堂官二員祭告。

后土。

昌瑞山之神。○是月。追封。

敦肅皇貴妃。前期一日。遣大臣二員祭告。

太廟。

奉先殿。○四年十二月。迄於五年正月。黃河清。遣大臣

一員祭告。

景陵。

告祭。

圓丘遣官行禮儀注

是日早。承祭官具朝服。俟於

昭亨門外。屆祭時。太常寺贊引官二員。導承祭官  
由

昭亨門之西門入。對引官迎於外櫺星門之西門。  
並導承祭官由西階陞

壇。正中立。典儀唱執事官各司其事。贊引官贊就位。導  
承祭官就位立。典儀唱迎

帝神。贊引官贊陞

壇。導承祭官由西階上香案前立。贊引官贊跪。承祭官

跪。贊上香。承祭官舉炷香上爐內。又三上瓣香。  
興。贊引官贊復位。承祭官復位立。贊引官贊跪。  
叩。興。承祭官行三跪九叩頭禮。興。典儀唱奠帛。  
行初獻禮。贊引官贊陞

壇。導承祭官由西階上至奠帛案前立。贊引官贊跪。承  
祭官跪。贊奠帛。承祭官受帛。拱舉。獻於案上。正  
中。興。贊引官導承祭官至獻爵案左旁立。贊跪。  
承祭官跪。贊獻爵。承祭官受爵。拱舉。獻於案上。  
正中。興。贊引官贊詣讀祝位。導承祭官由中階  
下。至第二成階上立。贊跪。承祭官跪。贊讀祝。讀

方澤會典 卷八十九  
三  
祝官跪。讀祝畢。捧祝文。跪。安帛匣上。三叩頭。  
贊叩。興。承祭官行三叩頭禮。興。贊引官贊復位。  
導承祭官由西階下。復位立。典儀唱行亞獻禮。  
贊引官贊陞

壇。獻爵。如初獻儀。獻於案左。復位立。典儀唱行終獻禮。  
贊引官贊陞  
壇。獻爵。如亞獻儀。獻於案右。復位立。典儀唱送  
神。贊引官贊跪。叩。興。承祭官行三跪九叩頭禮。興。典儀  
唱捧祝。帛。香。恭詣燎位。捧祝。帛。香。官。恭捧祝。帛。  
香。依次由中階下。送詣燎爐。贊引官導承祭官

轉立西旁。俟祝。帛。過。復位立。典儀唱望燎。贊引  
官導承祭官由西階下。出櫺星門西門。望燎。祝  
帛。焚訖。贊引官贊禮畢。導承祭官由  
昭亨門西門出。  
告祭

方澤遣官行禮儀注  
是日早。承祭官具朝服。俟於  
北天門外。屆祭時。太常寺贊引官導由西門入。對  
引官迎於櫺星門。並導承祭官由西門入。至  
壇階下立。典儀唱執事官各司其事。贊引官贊就位。承

大清會典 卷八十九  
祭官就位立。典儀唱迎。

神。贊引官贊跪。叩。興。承祭官行三跪九叩頭禮。興。典儀唱奠帛行初獻禮。執事官各詣

神位前立。贊引官贊陞。

壇。導承祭官由西階陞。至香案前立。贊引官贊跪。承祭官跪。贊上香。承祭官舉炷香上爐內。又三上瓣香。興。贊引官導至供帛案前立。贊跪。承祭官跪。贊獻帛。承祭官受帛。拱舉。獻於案上正中。贊引官導承祭官至獻爵案旁立。贊跪。承祭官跪。贊獻爵。承祭官受爵。獻於案上正中。贊引官贊就

讀祝位。導承祭官由中階下至第二成階上立。贊引官贊跪。承祭官跪。贊讀祝。讀祝官跪。讀畢。恭捧祝文。跪。安帛匣上。三叩頭。退。贊引官贊跪。叩。興。承祭官行三叩頭禮。興。贊引官贊復位。導承祭官由西階下。復位立。典儀唱行亞獻禮。贊引官贊陞。

壇。獻爵。如初獻儀。獻於案左。退。典儀唱行終獻禮。贊引官贊陞。

壇。獻爵。如亞獻儀。獻於案右。退。贊引官贊復位。承祭官復位立。典儀唱送。

神贊引官贊跪。叩。興。承祭官行三跪九叩頭禮。興。典  
唱捧祝。帛。香。恭詣瘞位。捧祝。帛。香。官。依次捧送  
瘞位。贊引官導承祭官轉立西旁。俟祝。帛。過。復  
位立。典儀唱望瘞。贊引官贊詣望瘞位。導承祭  
官望瘞。祝。帛。瘞訖。贊引官贊禮畢。各退。  
告祭

太廟遣官行禮儀注

是日。承祭官具朝服。太常寺贊引官對引官。導  
承祭官由磚城門入戟門西門。陞西階。詣  
殿外正中立。典儀唱執事官各司其事。贊引官贊

就位。承祭官就位立。司香官恭捧香盒詣各  
神位前。立於案左。贊引官導承祭官由西榻扇入。至  
太祖高皇帝神位前立。贊跪。承祭官跪。贊上香。承祭官  
舉炷香上爐內。又三上瓣香。興。贊引官導承祭  
官詣

太宗文皇帝

世祖章皇帝

聖祖仁皇帝神位前。上香。俱如前儀。畢。贊引官贊就位。  
承祭官就位立。贊引官贊跪。叩。興。承祭官行三  
跪九叩頭禮。興。典儀唱奠帛行初獻禮。捧帛

捧帛詣各

神位前恭獻。一跪三叩頭。退。獻爵官立獻。退。典儀唱讀祝。讀祝官捧祝文。祇俟於案左。贊引官贊跪。承祭官跪。讀祝官跪。讀畢。捧祝文。詣

太祖高皇帝神位前。跪。安帛匣上。三叩頭。退。贊引官贊跪。叩。興。承祭官行三叩頭禮。興。典儀唱亞獻。如初獻儀。典儀唱終獻。如亞獻儀。獻畢。退。贊引官贊跪。叩。興。承祭官行三跪九叩頭禮。興。典儀唱捧祝。帛。恭詣燎位。捧祝。帛。各官。依次捧送燎爐。贊引官導承祭官轉立西旁。俟祝。帛。過。復位立。

上自

陵回京。是日。恭奉

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后神位升祔

太廟。

奉先殿。前期三日。遣大臣各一員祭告天。



地。

太廟。

社。

稷。○次日。以

上回京。祭告

奉先殿。○十一月冬至。恭奉

聖祖仁皇帝配享

圓丘。前期一日。遣大臣各一員祭告

天。

地。

案前一跪三叩頭。恭捧祝文詣

壇上。西旁立。贊引官贊跪。承祭官跪。典儀唱讀祝。讀祝官跪。讀畢。捧祝文詣

太社神位前。跪。安帛匣內。三叩頭。退。贊引官贊跪。叩。

興。承祭官行三叩頭禮。典儀唱行亞獻禮。如

初獻儀。典儀唱行終獻禮。如亞獻儀。典儀唱送

神。贊引官贊跪。叩。興。承祭官行三跪九叩頭禮。興。典

儀唱捧祝。帛香。恭詣燎位。捧祝。帛香。官。恭捧祝。

帛香。依次由中階下。送燎爐。贊引官導承祭官

轉立西旁。俟祝。帛過。復位立。典儀唱望燎。贊

官導承祭官詣望燎位。祝帛焚訖。贊引官贊

畢。各退。

修造告祭儀注

凡修造

陵寢。

宮殿廟橋。其動土。豎柱。上樑。合龍門。插劍。懸匾。迎

吻於琉璃窰。

正陽門。

大清門。

午門。

太和門。及告成祭

司土之神。

儀俱同。

一。陳設供品。

白色帛一

白錫爵三

羊一

豕一

果品五

饅首五盤

核桃。荔枝。圓眼。棗。栗。各一盤。

風糕五盤

餅四盤

高頂一盤

香爐一

燭臺一對

圓降真香一炷

大清會典 卷八十九  
細降真香一兩五錢

一。祭日早。贊引官對引官。引承祭官。至盥洗處。盥手畢。贊引官引至行禮處立。典儀唱執事官各司其事。贊引官贊就位。承祭官就位立。典儀唱迎。

神。贊引官引承祭官至香案前立。司香官捧香盒跪送於左。贊引官贊上香。承祭官立上炷香。又三上瓣香畢。贊引官贊復位。承祭官復位立。贊引官贊跪。興。承祭官行三跪九叩頭禮。興。典儀唱奠帛爵。行初獻禮。捧帛官跪奠畢。三叩頭。

退。獻爵官立獻畢。退。讀祝官詣祝案前一跪三叩頭。興。捧祝文立。贊引官贊跪。承祭官讀祝官俱跪。典儀唱讀祝。讀祝官讀祝畢。捧祝文跪。安帛匱內。三叩頭。退。贊引官贊叩。興。承祭官行三叩頭禮。興。典儀唱行亞獻禮。獻爵官立獻於案左。退。典儀唱行終獻禮。獻爵官立獻於案右。退。典儀唱送。

神。贊引官贊跪。叩。興。承祭官行三跪九叩頭禮。興。典儀唱捧祝。帛。恭詣燎位。請。

神牌官。讀祝官。捧帛官。俱一跪三叩頭。各捧起。

香官跪捧。不叩。依次捧送燎位。承祭官轉立西  
俟

神牌祝帛過。承祭官復位立。贊引官贊詣望燎位。  
引承祭官至燎處立。贊引官贊禮畢退。  
一。祭時。作教坊司樂。

順治元年冬至大祀

園丘告辭

太廟儀

先期。禮部太常寺官陳設祭品。至日。早。貝勒以  
下文武各官俱朝服集

午門外照翼排立。大學士奏請詣

太廟。諸王內大臣侍衛隨

駕出。至

午門。各官排班跪送。至

太廟旁門。降輦。太常寺官恭導陞丹陛。入東楹扇。贊引  
官奏就位。

世祖章皇帝就正中拜位。北向立。贊引官奏上香。

世祖章皇帝詣

太祖高皇帝

孝慈高皇后位前三上香。畢。又詣

大清會典 卷八十九  
三  
太宗文皇帝位前三上香畢。仍就拜位立。贊引官奏  
叩興。

世祖章皇帝行三跪九叩頭禮。興。王等在檻外隨行禮。  
內大臣等在兩旁侍立。不隨行禮。典儀唱行初  
獻禮。執事官捧爵詣

太祖高皇帝

孝慈高皇后



太宗文皇帝位前獻畢。退。贊引官贊讀祝。讀祝官進案  
前捧祝文跪。俟。贊引官奏跪。

世祖章皇帝率三等在跪。讀祝官讀畢。置祝文案上。一  
跪三叩頭。退。贊引官奏叩興。行三叩頭禮。興。典  
儀唱行亞獻禮。如初獻儀。典儀唱行終獻禮。如  
亞獻儀。畢。贊引官奏跪。叩興。復行三跪九叩頭  
禮。興。典儀唱捧祝文送燎爐。贊引官恭導轉立  
拜位東旁。候祝文過。還位立。祝文焚訖。贊引官  
奏禮畢。太常寺官恭導出

廟門。陞輦。

午門外各官跪迎。候

駕還宮。各官各退。



大清會典

卷八十九

文政三



